

Na osnovu člana 108. stav (1) tačka d) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo" broj 27/24), člana 118. Zakona o radu („Službene novine Federacije BiH" broj: 26/16, 89/18, 44/22 i 39/24), Odluke o Pedagoškim standardima za osnovni odgoj i obrazovanje i normativima školskog prostora, opreme, nastavnih sredstava i učila za osnovnu školu ("Službene novine Kantona Sarajevo", broj: 3/25, 29/25) uz prethodne konsultacije sa Sindikatom JU „Četvrta osnovna škola“ Ilidža-Hrasnica i dostavljeno mišljenje, Školski odbor na sjednici održanoj dana 13.10.2025. godine donosi sljedeći:

**PRAVILNIK
O DOPUNAMA PRAVILNIKA O UNUTRAŠNJOJ ORGANIZACIJI I
SISTEMATIZACIJI RADNIH MJESTA U JU „ČETVRTA OSNOVNA ŠKOLA“
ILIDŽA-HRASNICA**

Član 1.

U Pravilniku o unutrašnjoj organizaciji i sistematizaciji radnih mjesta u JU „Četvrta osnovna škola“ Ilidža-Hrasnica (broj: 01-1-06-34-I-610-1/24 od 30.08.2024. godine i broj:01-1-06-34-I-732-1/24 od 27.9.2024. godine) u odjeljku B) iza tačke 5. RUKOVALAC NASTAVNOM TEHNIKOM dodaje se nova tačka 5.1. VODITELJ GRUPE U PRODUŽENOM BORAVKU, koja glasi:

„5.1. VODITELJ GRUPE U PRODUŽENOM BORAVKU“

Poslovi i radni zadaci:

- Organizira dnevne obrazovne zadatke u skladu s odgojnoobrazovnim potrebama učenika
- Pruža stručnu pomoć u učenju i savjetuje učenike
- Organizira slobodne aktivnosti učenika, što podrazumijeva vođenje slobodnih aktivnosti
- Upućuje učenike na aktivnosti, kao i organizaciju rekreativnih i izvanučioničkih aktivnosti, te učestvuje u kulturnoj djelatnosti škole i zajednice
- Brine za pravilnu prehranu učenika
- Redovno saraduje s roditeljima i izvještava ih o radu učenika
- Brine za uređenje i funkcioniranje radnog prostora te izrađuje potreban didaktički i ostali materijal
- Planira i programira rad produženog boravka (godišnje, mjesečno, dnevno)
- Vodi evidenciju o polaznicima produženog boravka (uspostavljanje evidencije, dnevna evidencija, evidencija saradnje s roditeljima)
- Organizira roditeljske sastanke
- Saraduje s nastavnicima u redovnoj nastavi (praćenje programa rada nastavnika u redovnom odjeljenju s posebnim osvrtom na ciljeve i zadatke, uspostavljanje kontrole nad dnevnim obrazovnim zadaćama i obrazovnim potrebama pojedinog učenika)
- Saraduje sa stručnim saradnicima, saradnicima i ostalim radnicima škole prema potrebi
- Stručno usavršavanje
- Izvještava, statistički prati rezultate i evaluira rezultate rada na polugodištu i na kraju školske godine
- Obavlja i druge poslove utvrđene propisima, općim aktima ustanove i u saradnji s direktorom, a u okviru djelokruga rada radnog mjesta

Profil i stručna sprema:

Poslove i zadatke voditelja grupe u produženom boravku mogu obavljati lica:

- koja ispunjavaju uvjete za nastavnika u osnovnoj školi/centru,
 - sa stečenim VII stepenom stručne spreme i zvanjem: diplomirani socijalni pedagog ili diplomirani pedagog ili diplomirani pedagogpsiholog ili profesor pedagogije ili diplomirani psiholog ili profesor psihologije,
 - završenim I ciklusom bolonjskog visokoobrazovnog procesa (240 ECTS) i stečenim zvanjem: bakalaureat/bachelor pedagogije - psihologije ili bakalaureat/bachelor pedagogije ili bakalaureat/bachelor pedagogije i druga studijska grupa (dvopredmetni studij) ili profesor pedagogije
 - bachelor ili bakalaureat/bachelor socijalne pedagogije ili bakalaureat/bachelor psihologije,
 - završenim II ciklusom bolonjskog visokoobrazovnog procesa i stečenim zvanjem: magistar/master pedagogije - akademski smjer ili magistar/master pedagogije - strukovni smjer ili magistar socijalne pedagogije ili magistar/master specijalne pedagogije ili magistar/master pedagogije ili magistar/master pedagogije i druga studijska grupa (dvopredmetni studij) ili magistar/master psihologije s prethodno završenim I ciklusom studija iz istog područja.
- Poslove ovog radnog mjesta mogu obavljati i radnici zatečeni na poslovima voditelja grupe u produženom boravku koji nemaju stručnu spremu u skladu s ovim odredbama, a imaju ugovor o radu na neodređeno vrijeme na dan stupanja na snagu ovih Pedagoških standarda i normativa. Spomenuti radnici ostaju na svojim poslovima i radnim zadacima i nisu dužni stjecati viši stepen ili drugu stručnu

Status izvršioca:

- Stručni saradnik

Pozicija radnog mjesta:

- Voditelj grupe u produženom boravku

Izbor:

- Na osnovu javnog konkursa,

Broj izvršilaca: 1 (jedan) izvršilac (po grupi)

Član 2.**(Stupanje na snagu)**

Ovaj Pravilnik stupa na snagu danom donošenja.

Uz saglasnost predstavnika Sindikata JU „Četvrta osnovna škola“ Ilidža-Hrasnica, kao predstavnika radnika.

Broj : 01-1-06-34-I-1043-1/25

Datum: 13.10.2025. godine

PREDSJEDNICA ŠKOLSKOG ODBORA
